HE KANIKAU ALOHA NO HENERIA MAI-KAL

Kuu kaikamahine aloha nui, Ka poa rose i mohala maikai i ke kakahi-

Onaona maikai kou ala ke honi aku, Honi hoomau ke aloha me ka iini, Iini au e ike aku ia oe, Aloha i ko kino me ko noho mai, Aloha na wahi a kaua e hele ai, Aloha ku la wela o Honoluju, A me ka huikau kanaka o Halemakeke, Aloha kahi ia mili lima a ke dala, Ikakaia a palupalu, Nopunopu waliwali ke haha iho, Aloha oe e Heneria Maikai, Kuu kaikamahine aloha nui, Aloha ka makani pahili palua i ka moana, Aloha na ale o Pailolo e poi halulu nei, A me ka la wela o Lahaina, Kahi a kawa i noho ai, Aloha na ale o Alenuihaha, A me ke pili enaena o Kohala i ka la, He u, he aloha ia oe e noho nei,

A kaua e hoomanawanni si i ka inu, Inu aku la oe i ka wai huihui o Lanihakoi. He u, he aloha ia oe e noho nei, Noho au me ka minamina ia oe, E ake ana e loaa kou panihakahaka, Huna aku nei oe i ko kino me ko maka, Hualele oe i ka pili a kaua, Noho au me ka minamina ia oe, Na ke akua e hoomaikai ia oe, Aloha oe e Heneria Maikai, Kuu kaskamahine aloha nui, Ka pua rose i mohala maikai i ke kakabi-

Aloha ka wai kai o ka pali o Kamoa,

Iula mau i ke ahiahi, I pala kahuki i ke awakea, Ke noho nei au me ka mina nina ia oc. Win. B. NAHAKUALII.

Kahawali, Honolulu, Augate 2, 1854.

E KA ELELE.

E ka Elele Hawaii e Aloha oe. E hai aku oe i kekahi Nuhou ma Kailua nei i keia mau la i hala iho nei, Eia ua Nuhou nei.

He moku ili. Ua ili iho nei o Kekauluohi moku ma Kailua nei i ka la 8 o keia maiama i ke ao no ka ili ana, e kolu kanaka i make loa, hookahi mea i loaa he keiki, elua mea i nalowale loa.

O ke kumu o keia ili ana o ka moku he poino mai ke Akua mai. I ke kakabiaka o ua la nei, he malie wale no, aole makani, aole ale aole natu. A i ke awakea anae. Pii mai la ke ao, a i loko o ua ao nei, ka makani Puahiohio ka ale a me ka nalu, a pa mai la jua moku nei ka makani, o ka hemo mai la no ia o ka waapa a pae juka aohe wahi poino ua kokua ia e ka poe mauka.

A mahope ibo o ke kau ana o ka waapa i uka, Popoi mai la ka ale i Kaiuli kai eleele a lilo i nalu maoli komo pu kaihu o ka moku i loko o ka nalu, ia wa elua heleuma o ka moku, nui no ka paa o ka moku aole hele, a ma hope iho, ku hou mai la ka nalu, a popoi i ua moku nei. O ka hemo aku la no a o kekahi heleuma holo pu i loko o ke kai

me ke kaulahao pu, koe hookahi heleuma i koe, ia wa no huki na kabumoku i na pea me ka manao e holo i pakele, aole he hiki hoa ia i ke kaula ka pan loa i lalo, ia wa no kahi heleuma, a-pae ae la ka moku juka ma ma ke one i Kajakekua kahi i kau ai aole nae poino loa ka moku, ua kau maikai no iuka.

A mahope iho o ke kau ana o ka moku iuka o ka malie iho la noia o ke kai pau ka ua, pohu ka makani, Pupuhi kukui malio ke

kai o ko Kona mea mau noia.

G. S NAOKA. Kailua, Kona, Hawaii, Aug 14 1854.

Ma ka la 17 o Augate nei hora 2 aui ka la. holo mai kekahi poe ma ka waa mai Lahaina mai, e hoi ana i Lanai, maikai no ka makani ia holo ana mai, a waena o ka moana, kahuli ko lakou waa, a pau lakou i ka au i loko o ke kai. A ma ku hora 4 ahiahi oia la no, holo mai ka Moku ahi (AKAMAI) mai Lahaina mai, e holo mai ana i Honolulu rei, a ma ka Moana i waena o Maui me Lanai, ike aku la na kanaka o ka Mcku ahi i keia waa ua kahuli, a me na kanaka e au ana i ke kai, Holo pololei ka Moku ahi ilaila, a losa keia poe pilikia e ono (6) lakou, 2 kane Naopala, a me Kauwila, 2 wahine Kaohiwelu, a me Maria, 2 keiki, Lapaki, a me Kapapu, Ua pau ko lakou mau wahi kapa i ka hachacia a c kuwale ana no i luna o ke kua o ka waa, Kokua na kanaka o ka Moku ahi i wah i kapa no lakou, a kau lakou i luna o ka Mo ku ahi. haalele ia no ka waa, pakele ko lako u ola, aole kekahi o lakou i poino.

Kokua na haole a me na kanaka o ka Mokarrii i wahi dala na keia poe pi likia, a ke noho nei keia poe ma Honolulu nei i keia mau la.

S. KAMAMO. Waiahao Honolulu Oaleu. Aug 18, 1854.

OLELO RODHALA

E ike mai na mea a pau loa, o ka Mokupuni o Mani ; i ka moa malalo. Ke hai aku nei au, ina ua ike oukou ia Kekahuna he kanaka no, no Lahaina ua imi au ia ia apuni o Maui, a hala wale aku i Oahu ko'u imi ana ia ia. Ina paha, ua ike oukou ia ia ma Maui a puni a ma Oahu paha, aia pa ha ma na Mokupuni e ae, e ninau mua oukou iaia, ina e hoike mai o ia no Lahaina elike me ka inoa i horkera maluna.

Ke waiho neria'u ka waapa o Kekahuna me kuu malama pono. Aka, ua aie oja ia'u i na (\$20.) aole nae ota i hookaa iki mai i keia mau Ua mahuka oia; ua ini wale au ia ia, aole i lona. Nolaila, ke pane nei au, mai keia la aku, a hala na la he kanakolu, alaila, ua nele ka mea nona ka waapa, alaila, e lawe no hoi au ma kona aie ia'u. A ina e loza ia, ia oukou, e kuhikuhi pono oukou elike me na olelo i kakauia aia ma Lahainalalo ka mea nana e malama ko waapa. Elohe oukou.

Na J. NAILIILI, Lahaina Maui, Augale 2, 1854. .


MANUMA AMERIKA - Ua ku mai nei, ka Manuwa Amerika St. Mere, i keia la 28 o Aug. mai Kapalakiko mai, o Bele kona alii kapena. O ka hiki hou msi koe o kekahi manuwa hou ih o ka Portsmouth, a o ka St. Lawrence paha, o.

I KA ELELE.

Aloha oe, Ua ike au i kela Ninau helu o G. M. Koha ma kou aoao 80 pepa 20, Penei;

"Ain ma ke kuahiwi o Aletaia ma Asia, e ku ana kekahi laan kiekie loa, o kona loa mailalo a iluna he 20 anana; aka, he 8 kap. ka manoanoa o ke kumu; e kau ana kekahi Bea elecle ma ka welau o luna; ike aku la oia i kekahi Bukalo e ku ana ma kahi e aku; lele aku la oia e hopu ia ia a pas, aka, mai kahi i ku ai ka Bukalo, a hiki i ke kumu o ka laau i kau ai ka Bea eleele he 12 anana, chia kap. e lele ai ka Bea a hopu i

Aole anci 156 kap. ka lele ana o ka Bea e hopu i ka Bukalo? Aole anci i kupono kcia i ka oiaio? e hai no au i ka mea e maopopo ai ia lons e nana i ke kii ola laau malalo iho, a me na ane a pau o ka hana ana.



A E, oia ka loa o ka laau, A I, mai kahi e ku ai ka Bukalo a kahi o ke kumu o ka laau, a iloko ofaila ka 8 kp. o ka manoa, nolaila, penei ka wehewehe ana, e hoolilois na anana o ka loa o ka laau i mau kapuai a pela aku no A I.

20×6=120 kp. o A E, 12×6=72-8 kp. o A I,

120×120=144 00 kp kuea o A E, 64×64=4096 kp. " o A I.

184 96 kp. oia ka hui ana A E

me A I, He pono ke unuhija ke kumu kaha kuca o na kp, kuca o ka hui pu ana o A E me A I, I mea e loaa ai na kp. o ka lele ana o ka Bea, a loas ka Bukalo penei,

)18496(136 1596) 1596

O keia ka maopopo ia'u 136 kp. oin no ka lon E I ua loza no ia ma ka imi ana i ke kumu ka-Owan no J. K. P. N. ha kuea o 13496. kou hosluhi o na hale o kuanina.

Honolulu, Oahu, Augate 14, 1854.

NINAU HELU.

He mau galani aila Sapamuela 12,756 ma ka lima o kekahi kapena moku; e manao ana ia e hahao koe ole ia ma kekahi Pahu like ole o kona mau poo, a ua piha pono,

Ehia kapuai ka loa; ka loa anawaena o na poo like ole; ka loa anawaena konu oia Pahu? E hai mai G. M. Kh. o Labainaluna, me ku-

Honolulu, Augate 14, 1851.